



Broj: 0101-7662-7-1-LOT.1./17
Sarajevo, 10. 05. 2017. godine

Na osnovu člana 70. stav (1), (3) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 59. Statuta Univerziteta u Sarajevu, nakon provedenog konkurentskog zahtjeva za dostavljanje ponuda u postupku zajedničke javne nabavke usluge–DETEKCIJA PLAGIJATA LOT. 1.-UNIVERZITET U SARAJEVU, na preporuku Komisije za provođenje postupka zajedničke nabavke broj: 0105-7662-6-1-LOT.1./17 od 08. 05. 2017. godine, rektor Univerziteta u Sarajevu je d o n i o

ODLUKU

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za provođenje postupka zajedničke nabavke broj: 0105-7662-6-1-LOT.1./17 od 08. 05. 2017. godine i donosi odluka o izboru ponuđača i dodjeli ugovora za nabavku usluge–DETEKCIJA PLAGIJATA LOT. 1.-UNIVERZITET U SARAJEVU, ponuđaču Turnitin LLC, 2101 Webster Street, Suite 1800, Oakland, CA USA 94612, čija ukupna cijena ponude iznosi 7000 € (slovima: sedamhiljada Eura i 00/100), iz razloga što je u provedenom postupku konkurentskog zahtjeva za dostavljanje ponuda ponudio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH.

Član 2.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

O b r a z l o ž e n j e

Prema članu 4. Sporazuma o provođenju postupka zajedničke javne nabavke, zaključenog između Univerziteta u Sarajevu (broj: 0101-7662/16 od 13. 12. 2016. godine) i Univerziteta u Istočnom Sarajevu (broj: 4401/16 od 29. 12. 2016. godine), Univerzitet u Sarajevu je Ugovorni organ koji zastupa Univerzitet u Istočnom Sarajevu u postupku zajedničke javne nabavke usluge–DETEKCIJA PLAGIJATA za potrebe Univerziteta u Sarajevu i Univerziteta u Istočnom Sarajevu, kao partnere u Erasmus + projektu “Enhancement of HE Research Potential Contributing to Further Growth of the WBC Region (Re@WBC)” (“Unaprijeđenje istraživačkog potencijala u visokom obrazovanju koji će doprinijeti daljem razvoju područja zapadnog Balkana”) (u daljem tekstu: Projekat Erasmus + Projekat Re@WBC).

Na osnovu Odluke o pokretanju postupka zajedničke javne nabavke broj: 0101-7662-2-1/16 od 30. 12. 2016. godine, Univerzitet u Sarajevu je pokrenuo postupak konkurentskog zahtjeva za dostavljanje ponuda za javnu nabavku usluge–DETEKCIJA PLAGIJATA, koji je podijeljen u dva LOT-a:

LOT. 1. – usluga DETEKCIJE PLAGIJATA za Univerzitet u Sarajevu i

LOT. 2. - usluga DETEKCIJE PLAGIJATA za Univerzitet u Istočnom Sarajevu.

Za provođenje postupka zajedničke javne nabavke Odlukom broj: 0101-7662-3-1/16 od 30. 12. 2016. godine imenovana je Komisija za provođenje postupka zajedničke nabavke u sastavu: dr. Elmedin Selmanović, predsjedavajući i članovi Sanel Sefer i Minela Nuhić-Mešković, (predstavnicima Univerziteta u Sarajevu), te članovi prof. dr. Dejan Bokonjić i Predrag Ždrale (predstavnicima Univerziteta u Istočnom Sarajevu).

Sastanku Komisije za provođenje postupka zajedničke javne nabavke prisustvovali su: dr. Elmedin Selmanović, predsjedavajući, članovi Sanel Sefer i Predrag Ždrale, te zamjenski član Azra Zvizdić.

Obavještenje o nabavci broj: 999-7-2-82-3-9/17 objavljeno je na Portalu javnih nabavki dana 22. 03. 2017. godine.

Iz Zapisnika Komisije za nabavke je vidljivo da je konkurentski zahtjev za dostavljanje ponuda upućen na slijedeće adrese:

Name of service	URL
iThenticate	http://www.ithenticate.com/
CheckForPlagiarism	http://www.checkforplagiarism.net/
PlagiarismDetection.org	http://plagiarismdetection.org/
Urkund	http://www.urbund.com/
Strike Plagiarism	http://www.plagiat.pl
Compilatio	http://www.compilatio.net

Iz Zapisnika Komisije za nabavke je vidljivo da je potencijalni ponuđač NeSeCo d.o.o. Sarajevo, Mehmeda Spahe 20, 71000 Sarajevo podnio zahtjev za dostavljanje tenderske dokumentacije, te da je ista dostavljena u zakonskom roku.

Iz Zapisnika Komisije za nabavke je vidljivo da u periodu koji je ostavljen za dostavljanje ponuda, od strane potencijalnih ponuđača, nije bilo postavljenih pitanja i zahtjeva za pojašnjenjem tenderske dokumentacije.

Iz Zapisnika Komisije je vidljivo da je dana 26. 04. 2017. godine u 14,15 sati, Komisija za provođenje postupka zajedničke nabavke izvršila javno otvaranje blagovremeno prispjelih ponuda za uslugu–DETEKCIJA PLAGIJATA za LOT. 1.-UNIVERZITET U SARAJEVU, po redoslijedu prijema ponuda kako slijedi:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	Turnitin LLC, 2101 Webster Street, Suite 1800, Oakland, CA USA 94612	0101-2785-2/17	21. 04. 2017. u 14,00

Na javnom otvaranju ponuda nije bilo prisutnih predstavnika ponuđača.

Zapisnik sa javnog otvaranja ponuda je poslan ponuđaču koji je blagovremeno dostavio ponudu.

Iz Zapisnika Komisije za javnu nabavku je vidljivo da nije bilo neblagovremenih ponuda.

Iz Zapisnika Komisije je vidljivo da Komisija za zajedničku javnu nabavku nije imala nejasnoća u ponudi ponuđača, niti je bilo grešaka u dostavljenoj ponudi.

Iz Zapisnika Komisije je vidljivo da se Komisija sastala dana 26. 04. 2017. godine u 14,30 sati, odmah poslije javnog otvaranja ponuda i pristupila pregledu i ocjeni ponuda, odnosno provjeri da li je ponuđač ispunio kvalifikacijske uslove koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za nabavku predmetne usluge.

Iz Zapisnika Komisije je vidljivo da ponuđač koji je dostavio ponudu nije dostavio dokaz o ispunjavanju uslova za primjenu preferencijalnog tretmana domaćeg, tako da se ponudu ponuđača ne može primijeniti preferencijalni tretman domaćeg.

Pregledom i ocjenom ponude, Komisija je u Zapisniku ponudu ponuđača: Turnitin LLC, 2101 Webster Street, Suite 1800, Oakland, CA USA 94612 ocijenila kao prihvatljivu, odnosno tehnički zadovoljavajuću, s obzirom da je ponuđač ispunio sve minimalne uslove koji su utvrđeni Tenderskom dokumentacijom.

Iz Zapisnika Komisije za javnu nabavku je vidljivo da je Komisija provjerila računsku ispravnost dostavljene ponude i utvrdila da u ponudi ponuđača nije bilo računskih grešaka.

Komisija za javnu nabavku je, prema kriterijumu najniža cijena, sačinila rangiranje prihvatljivih ponuda na slijedeći način:

R. br. na rang listi	Naziv i sjedište ponuđača	Ponuđeni popust	Ukupna cijena ponude
1.	Turnitin LLC, 2101 Webster Street, Suite 1800, Oakland, CA USA 94612	0,00 €	7000 €

Iz zapisnika Komisije je vidljivo da u predmetnom postupku javne nabavke nije bilo potrebe za podnošenjem zahtjeva za objašnjenje cijene ponude.

Komisija za provođenje postupka zajedničke nabavke, u skladu sa članom 6. stav (1), tačka i) Sporazuma o provođenju postupka zajedničke javne nabavke broj: 0101-7662/16 od 29. 12. 2016. godine, potpisanim između Univerziteta u Sarajevu i Univerziteta u Istočnom Sarajevu, dala je prijedlog rektoru Univerziteta u Sarajevu da za nabavku usluge-DETEKCIJA PLAGIJATA LOT. 1.-UNIVERZITET U SARAJEVU, donese odluku o izboru najpovoljnijeg ponuđača i dodjeli ugovora ponuđaču Turnitin LLC, 2101 Webster Street, Suite 1800, Oakland, CA USA 94612, čija ponuda je, u skladu sa kriterijom najniža cijena tehnički zadovoljavajuće ponude, ocijenjena kao najpovoljnija sa ukupnom cijenom ponude u iznosu od 7000 € (slovima: sedamhiljada Eura i 00/100).


Iz gore navedenih razloga, primjenom člana 64. stav (1) tačka b) Zakona o javnim nabavkama BiH, prihvaćen je prijedlog Komisije za javnu nabavku i odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor


Prof. dr. Rifat Škrijelj



Dostaviti:

1. Turnitin LLC, 2101 Webster Street, Suite 1800, Oakland, CA USA 94612
2. Univerzitet u Istočnom Sarajevu, Vuka Karadžića 30, 71126 Istočno Sarajevo
3. Prorektor za finansije UNSA
4. Generalni sekretar UNSA
5. Služba za računovodstvo i finansije UNSA
6. u evidenciju javnih nabavki
7. web stranica UNSA
8. a/a

Prilog: Zapisnik o pregledu i ocjeni ponuda